

Trainingsweekend

Am 22. + 23. März het wie au Jahr üses Trainingsweekend stattgfunge. Am Samsti si die erste scho früeh i de Hauene parat gstange zum z trainiere. Es het für aui chliini Zwüscheverpflegige u öppis ztrinke gä. Jedi Riege het i de 2h vougas gää. D Leiter si aui mega zfride gsi mit de Vortschritte. Nachem Grossfeld si de die meiste no chlei blibe und hei dr erst Tag dört no chlei gnosse. Dr Stress isch de losgange, da mirscho uf die 6i aui ir Linde zämme si ga ässe, u me nid so lang ziit het gah sich ga früsch zmache nach dem asträngende Tag. Es het e coole Pizzaplausch znacht gä wo jede chlei het chönne drilänge u vo dere Pizza wo eim gad glustet es Stückli het chönne nä. Wie au Jahr isches e super obe gsii wos sicher niemer längwilig worde isch. Am nöchste Tag isches de chlei herter gsi am morge früeh ga ztrainiere. Doch es hei sich aui ufgrafft und sich nomou müeh gä. Sodass au dr Sunti e produktive Tag gsi isch. Im grosse und ganze isch das es super Wucheend gsi wo me mit de Turnerfamilie het chönne gniesse. Somit si mir scho es Schritkli nöcher zu de Highlights vo üsere Saison.

24.03.2025/ Jana Rihs